

DISSERTATIO INAUGURALIS MEDICA
DE
REBUS PATHEMATVM IN SPECIE
GAVDII IN CORPVS HVMANVM
EFFICACIAM MODERANTIBVS

Q V A M
RECTORE ACADEMIAE IENENSIS MAGNIFICEN-
TISSIMO SERENISSIMO DVCE AC DOMINO
D O M I N O
C A R O L O A V G V S T O
DVCE SAXONIAE IVLIACI CLIVIAE MONTIVM ANGARIAE
ET GVESTPHALIAE REL.

CONSENSV
GRATIOSI MEDICORVM ORDINIS
P R O G R A D V D O C T O R I S
SYMMSQVE IN MEDICINA ET CHIRVRGIA HONORIBVS ET
PRIVILEGIIS RITE CAPESSENDIS

A. D. XXV. FEBRVARII MDCCCCLXXXII.

P V B L I C E D E F E N D E T

A V C T O R
JOANNES GOTHFRIDVS KLEEFELD
GEDANENSIS.

GENAE LITTERIS MAVKIANIS.


THE LIBRARY OF THE
UNIVERSITY OF CHICAGO
1740 EAST 5TH AVENUE
CHICAGO, ILL. 60607

RECEIVED
JAN 10 1964
OTIS L. GAY
CHICAGO, ILL.

CHICAGO, ILL. 60607
JAN 10 1964
OTIS L. GAY
CHICAGO, ILL.

CHICAGO, ILL. 60607
JAN 10 1964
OTIS L. GAY
CHICAGO, ILL.

CHICAGO, ILL. 60607



PROOEMIUM.

Cum pro maiorum instituto singulis gradum Doctoris ambientibus isthoc officium impositum sit, ut de materia quadam ad rem medicam spectante differant, dubius, quam potissimum eligam, atque difficultates plurimas tyroni obstantes expertus, tandem *de gaudii in corpus humanum efficacia rebusque pathemata moderantibus* scribere volui. Ego vero minime ignoro, pergravem et

perquam obscuram doctrinam esse, quae in motibus animi versatur, et viros ingenii acutissimi eidem indefessam iam tribuisse diligentiam, ideoque iuvenilis audaciae dare suspensionem videor, si arduum hoc opus suscipere conor: attamen gratissimo psychologiae studio ductus semperque delectatus, transferendi eius in usum medicum cupiditati resistere non potui. Plura sane in disquisitione hac desiderantur, neque a me materiam absolutam esse contendo, sed temporis angustia atque dira necessitas scribendi me premunt, ac prohibent, ne quid perfectum et absolutum (ut in votis meis est) exhibeam. Dabo ergo, ut per curtam licet suppellectilem, aliquod spicilegium, ne cui desit in posterum suam messem metendi occasio.

Hinc brevitatis studiosus in sectione prima primas lineas duxi *de laetitia*, in specie *de gaudii natura*, argumenta vero, fontes, observata et collecta (ut et in Sect. II^a) addere mihi temporis et spatii inopia non permit-

tit. Gaudium prae ceteris elegi, et in definiendis ipsius partibus, describendisque illius viribus explicare conatus sum, quomodo pathematum omnium (pro mea sententia) indoles et stadia sint constituenda, quomodo singulorum vis vel salubris, vel morbifica delineanda.

In sectione secunda *de pathematibus in genere, atque rebus singula moderantibus* ago. Haud quidem ignoro, sectionem hanc priori melius et aptius fuisse anteponendam; cum vero gaudio, tanquam exemplo, uti mihi convenit, praemittendam statui gaudii theoriam.

Contentus sum, si res omnes enumerō, in quibus pathematum effectus praecipue positi sunt, pro scopo meo superfluum esse puto, si rerum illarum omnium in pathema ipsum aut corporis mutationes exinde productas modum agendi explicare anniterer.

Consilium, quod in conscribenda dissertatione hac secutus sum, eo potissimum spectat, ut virorum erudito-

rum sententias investigem, ut monita eorum experiar,
iisque in posterum uti possim. Ab his enim arbitris to-
tus pendeo et scire cupio, vtrum in theoriam hanc,
omnes animi affectus complectentem, conferam studium
operamque meam, an quod opportuno tempore in vul-
gus edere opus placuit, infectum relinquere debeam.

SECTIO I.

De laetitia, in specie de gaudio.

§. I.

Ex pathematibus eligo *laetitiam*, ut eadem in posterum ad illustrandum utar, et in eiusdem natura modoque agendi demonstrando pathematum omnium indolem et efficiaciam doceam. Exempli instar laetitia nostram de pathematologia et pathematum aetiologia comprobet sententiam.

§. II.

Laetitia (Vergnügen) est animi ex causa quadam grata sumta oblectatio.

Cuius generis causa illa esse possit et debeat, ad meam disquisitionem non spectat, et quas leges causa s. obiectum in laetitia excitanda sequatur, in psychologia abunde explicatur. Nequaquam etiam hoc loco inquirendum est, quid corpus in pathemata valeat, sed potius quid ab iisdem vicissim patiatur. Anima caeterum obiecti ipsius sensusque ex eodem iucundi conscia sit necesse est.

§. III.

Laetitiae plures dantur species, summum gradum ex bono inopinato *gaudium* (Freude) nominamus, quod,

quia effectus producit luculentissimos, mox curatius dilucido.

§. IV.

Si gaudium rite examino, *tria* in eodem observo *gladia*, *stuporem* (Erstaunen), *admirationem* (Verwunderung) et *oblectationem* (Vergnügen).

§. V.

Stupor est status animi a re haud expectata natus. Animi status, non motus est ideo appellandus, cum nec sentiendi, nec appetendi vim (§. XXV.) afficiat, ad summum sensui ingrato simile quid contineat, quippe qui omne inexpectatum sequitur, sed conscientiae et mutati sensus cuiusque (Empfindung) expers apparet. A re cognita, quoad genus vero et causam incognita, (durante stupore) minimeque expectata fere producitur. Stuporis summa in corpus efficacia est, virium et functionum vitalium subita suppressio, status fere catalepticus, saepiusque letalis (cuius gaudium vehemens a pluribus accusatur,) mala saltem secundaria. (vid. §. sequ.)

§. VI.

Stuporis summo gradui maximum inest robur, et pro indole sua sopiendo agit, nervorum suppressit sensibilitatem et mobilitatem, actiones sistit et reprimit vitales, et inde oriuntur apoplexia nervosa, syncope, sopor, catalepsis,

lepfis, paralyfis, fpasmi tonici, tetani, humorum impedita fe - et excretio et ftagnatio, extremitatum frigus, et mors ipfa, nifi ftupor mox ab admiratione excipiat, aut remediis aptis tollatur.

At vero *ftuporem* faluberrimas proferre poffe mutationes, perlubenter profiteor. Corpus enim, cum valde eft irritatum, ftupore hoc, ut terrore, a pluribus in medicina commendato, uti poffumus, e.g. in curanda hydrophobia, fpasms clonicis, fine materie ortis, aut, remota illa, perdurantibus, fiftendis haemorrhagiis caeterisque profluviiis noxiis, in medendis morbis ab irritabilitate et fenfibilitate oriundis etc.

Perutilem vero remedii huius, ut terroris, fieri vim in medicina, quisque intelliget, fi modo recorderetur, ftuporem effe ftatum animi fui haud confcii, quem, cum modum excedit, eiusque vis sentiendi et appetendi una cum corporis viribus fuppreffa eft vitalibus, neutro moderari licet.

§. VII.

Admiratio eft ftatus animi, fui quidem et obiecti, quoad genus, non quoad caufam confcii, ex perfcutandi hanc conatu valde perturbati. Animi ftatum antea fopitum contrarius nunc maxime irritatus excipere conatur, et ambo certantes quafi fummam involvunt perturbationem.

turbationem. Quae animi vires etiam concitati et perturbati corporis vires ac functiones et augment, et perturbant. Inde nervorum sensibilitas conturbata, mobilitas inordinata, spasmi clonici, epilepsia, convulsiones, tremor, sanguinis humorumque omnium circuitus acceleratus et inordinatus, apoplexia languinea et serosa, palpitatio cordis, pulsus intermittens et frequens, haemorrhagiae, extravasatio, icterus, diarrhoea, omnesque inde morbi fluentes secundarii.

Ne autem iniquitatis accuser, et salubres perturbationum harum effectus agnosco. Valent nimirum irritando in medenda paralyfi et sensibilitatis quadam suppressione, (remota nimirum materia suppressante, seu rectius, si nulla adfuit) in resolvendis humoribus spissis, indeque ortis febribus intermittentibus, infarctibus, scrophulis, rheumatismo, arthritide, in promovenda se- et excretionem omnis generis, transpiratione etc. indeque ortis paralyfi et aliis morbis secundariis, in coctione et eiectione materiae morbificae, in provocandis menstruis suppressis etc.

§. VIII.

Oblectatio seu sensus ex obiecto, quoad genus et causam cognito, iucundus est affectus vis sentiendi et appetendi (s. lat. et str. §. XXV.). Qui animi motus, cui
con-

conscientia et notiones clarae saltem (etsi haud distinctae) insunt, magnas quidem, stadiis vero prioribus minores edit effectus, eosque vel salubres, vel noxios pro rebus (vid. sect. seq.) moderantibus.

Cum animus oblectatus animo admirante (§. VII.) sedatior et minus turbatus est, eo minus damni infert corpori, et quo certius, longius ac moderatius operatur, eo salubriori effectui excellit. Admirationis vires medicatrices (§. praec.) maiori iure quidem oblectationi debentur, neque tamen haec ab incommodorum (§. praec.) suspicione absolvenda est.

§. IX.

Gaudii distinguendum censeo *robur a vivacitate*. Illud stupori eiusque efficaciae convenire videtur, haec admirationi et oblectationi, amborum limites sunt legibus psychologiae circumscripti.

§. X.

Qui gaudii *gradus* (et ratione roboris et vivacitatis) etiam in corpus efficaciae gradus constituunt.

§. XI.

Silentio praetermittere caeterum non audeo, salutes stadiorum posteriorum effectus tollere noxios priorum, mitigare saltem eosdem, et inde salubres tantum-

modo laetitiae, pro mea sententia, in genere esse adscriptos.

§. XII.

Itaque species laetitiae, vehementia priorum studiorum destitutae et oblectationis beneficentia exornatae, nos eo minus iubent noxios timere effectus, et eo certius salutem et valetudinem curant.

§. XIII.

Laetitia est vel obiecti, vel gradus et spatii ratione diversa.

§. XIV.

Obiectum laetitiae aut est praesens, aut praeteritum, aut futurum.

De oblectatione ex bono *praesenti* (s. gaudio) iam egi.

§. XV.

Laetitia ex bono *praeterito*, quod sub impetu (s. apperceptione animae) gaudium procreavit, animo, nisi penitus illa extinguitur, inhaeret, statusque ei remanet continuus cum voluptate quadam copulatus.

Idea obiecti distincta est obscurata, (saepe etiam penitus deleta) et suavis sensus antea distinctus (bestimmte Empfindung) non idem, attamen iucundus mansit, quem iucunditatem (Fröhlichkeit), hilaritatem (Heiterkeit) tranquillitatem (Zufriedenheit) vocamus, quorum discrimen,

men, cum effectibus gaudent similibus, non amplius investigabo.

§. XVI.

Quae laetitiae species, cum gaudii stadiis prioribus (stupori ac admirationi) nihil simile continent, illorum etiam effectibus haud similiter respondent; oblectationis vero efficaciae harum respondet efficacia.

§. XVII.

Idem valet de *spe*, seu oblectatione ex *bono futuro* (sit certum aut vanum) exspectato. Huc referre mihi liceat felices curationum sympatheticarum, magneticarum, aliarumque ridendarum laudatos successus et exoptatos probatae medendi rationis exitus per fiduciam medici effectos.

§. XVIII.

Ratione *gradus* hae laetitiae species a gaudio differunt, ideoque etiam illarum ab huius in corpore mutationibus.

§. XIX.

Ratione *spatii* etiam discrimen inter gaudium et laetitiae species (§. XV. et XVII.) animadvertimus. Neminem tamen fugit, harum, qua graduum minorum, robur fractum idem esse, cum plerumque perdurantes sunt, mitius quidem, sed per longius tempus agendo in corpus valere.

§. XX.

Supereſt denique, ut *riſus*, omnes fere laetitiae ſpecies comitantis, mentionem faciam. Meum non eſt inveſtigare, a quonam idearum genere, a diſſimilium conjunctione, an non etc. excitetur riſus, ſed quid in corpus valeat, paucis illuſtrare lubet.

§. XXI.

Ex phyſiologia patet, profundam inſpirationem riſendo excipi a brevi ſaepeſque interrupta expiratione.

Itaque diaphragma, thorax eiſque contenta et muſculi abdominis ab hoc riſu concutiuntur, viſcera abdominis conquaſſantur, ſe — et excretiones accelerantur, motus periftalticus augetur etc.

Porro ſanguinis in ſumme dilatatis pulmonibus copia contenta una cum aeris impedita expiratione iuſto longius retinetur, pulmonum vaſa dilatantur, arteriae pulmonum, cavitas cordis dextra, venaeque cavae replentur, ſanguini ex capite deſluentis obſtaculum inde obiiçitur, facies rubefcit, lacrymae profluunt etc.

§. XXII.

Qui effectus vel *ſalutares* eveniunt, vel *noxii*, pro rebus pathemata moderantibus. (vid. ſect. II.)

Corpori

Corpori, egenti irritamento, risus, nisi modum excedit, valde prodest; saepius repetitus et pulmonum, et viscerum abdominalium obstruções solvit, vomitam rumpit et evacuat, pulmonum vasa collapsa benigne dilatat, morbos a suppressa transpiratione natos curat, concoctionem iuvat etc.

Damni, quod corpori risum intulisse plurimi observarunt, varia reperiuntur genera, e. g. vasorum pulmonalium capitisque ruptio, humorum extravasatio, haemoptysis, cordis vasorumque maiorum aneurysmata, varium aliaque haemorrhagiae, ophthalmia, vertigo, apoplexia sanguinea, surditas, abortus, menstrua nimia, palpitatio cordis, icterus, diarrhoea etc.

 S E C T I O I I .

De pathematibus, eorumque moderaminibus in genere.

§. XXIII.

E sectione I. elucet, quid de gaudii natura eiusque in corpus vi benigna et noxia statuam ac vero sectione posteriori omnia enumerantur, quae animi affectus quoslibet sequatur. Non est, quod denuo notetur, paucis me verbis tantummodo esse expressurum, quot quantumve singula in pathematibus, praecipue gaudii, valeant efficaciam.

§. XXIV.

Pathematum vim deduco I. ab ipsorum natura, II. ab animae hominis affecti indole III. a corporis statu IV. eiusdemque conditione externa. De quibus nunc speciatim differendum est.

I. *De pathematum natura.*

§. XXV.

Pathema est ille animi status, quo aut vis sentiendi (Vorstellungs-) aut appetendi (Bestrebungsvermögen s. lat.) vehementer afficitur. In posteriori vel vim appetendi (s. strict. Begehrungs-) vel averfandi (Verabscheuungsvermögen) complecti per se patet.

§. XXVI.

§. XXVI.

Pathematum efficacia ut accuratius definiatur, sequentes mihi liceat afferre distinctiones.

§. XXVII.

Differunt animi affectus

1. Ratione *vis affectae*, cum aut vim sentiendi aut appetendi (§. XXV.) afficiunt, illos *passivos*, e. g. stupor (§. V.), hos *activos*, e. g. ira, oblectatio (§. VIII.), nominamus. Illos accuratius animi *status* (non motus) appellandos censemus.

§. XXVIII.

2. Ratione *sensationis*, sunt vel *suaves*, vel *insuaves*, prout conatui agendi (Thätigkeitstrieb) satisfaciunt aut resistent, e. g. spes, gaudium, amor, reditus, timor, stupor, moeror etc. *Mixtos*, si diligenter examinamus, compositos et quidem heterogeneos (§. XXXIII.) invenimus.

§. XXIX.

3. Ratione *effectus* in corpore sunt animi motus vel *excitantes*, e. g. oblectatio, ira, vel *suppressantes*, e. g. stupor, terror, moeror. Excitantes vero omnes vires vitales augent, nervos stimulant, circuitum humorum promovent, eosque ad peripheriam corporis pellunt, secretiones et excretiones accelerant etc. Suppressantes
vero

vero vires vitales debilitant, nervos obstupefaciunt, spas-
mum vasorum minimorum efficiunt, humorum circui-
tum, eorumque secretionem et excretionem prohibent etc.

§. XXX.

4. Ratione *roboris* sunt vel *fortiores*, vel *mitiores*,
e. g. ira, terror, gaudium, pudor, spes. Corpus igi-
tur vel maiores, vel minores patitur mutationes, eas-
que plus vel minus salubres aut noxias.

§. XXXI.

5. Ratione *temporis* sunt vel *fugaces*, e. g. terror,
stupor et admiratio (§. V—VII.), vel *perdurantes*, e. g.
moeror, oblectatio, animi tranquillitas, eorum ideo ef-
fectus vel *subiti*, vel *tardi*. Perdurantes (i. e. saepius
repetiti) habitum corporis certius mutant, partium, quas
praecipue movent, agilitatem (e. g. nervorum) promo-
vent, et vestigia iisdem imprimunt, quae in vultu et gesti-
bus physiognomicae et mimicae regulas admittunt.

§. XXXII.

6. Ratione *partium constituentium* sunt vel *puri*, vel
complicati.

Raro animi affectus purus hominem turbat, plu-
rimi, et li puri iudicantur, si rite eos exploramus, com-
positi sunt. (e. g. gaudium. §. IV.) Varios enim for-
mant

mant status, quorum quisque pathematis naturam habet et effectus. Maximi momenti hoc cenſeo in pathematum vi medicatrice aut morbifica recte definienda, et ex eo intelligi mihi videtur ac explicari poſſe, unde pathemata tot tantosque incertos ſibiſque contrarios edidiſſe effectus plurimi affirmarunt.

§. XXXIII.

Sunt vero *animi affectus complicati* vel *eiusdem*, vel *diverſae indolis*, ſive quod idem eſt, alii produnt naturam *homogeneam*, alii *heterogeneam* reſpectu effectus etc. (§. XXIX.). Si prius eſt, e. g. ſi amor lente conficiens (ſchmachtende Liebe) et voluptaria triſtitia, ſi ira et gaudium vehemens inter ſe coniuncta ſunt, vis ſingulorum in corpus eſt aucta et amplificata: Si poſterius, id eſt eiusdem pathematis varii ſtatus, e. g. gaudii §. IV. aut pathema aliud alii contrarium, perdurantibus adhuc prioris effectibus, e. g. moerore profundo et gaudio exſultante, ſeſe ſaeſpius tollunt, et ſimul mutationes ex priori ſecutas delent, aut ſaltem minuunt, haud raro etiam perturbando functionem quamlibet terribiles admirandosque in corpore produciunt effectus.

§. XXXIV.

7. Sunt denique *animi affectus* vel *tranquilli*, vel *inquieta*. Illi omnes functiones ordinatas, convenientes

quamquam plerumque auctas reddunt, e. g. spes, hilaritas (§. XV.), hi (heterogenei) omnes vires et functiones turbant, nervorum effectus sibi oppugnantes efficiunt, spasmos edunt clonicos etc. In his eminent timor, terror, admiratio (§. VII.).

II. De animae hominis affecti indole.

§. XXXV.

Mentis indoles est vel adnata, vel acquisita, utraque vel sana, vel morbosa. Gradus virium spiritualium valde distare, easque praeterea educatione, cultu etc. aut excellere, aut non, satis pervulgatum est. Alii enim ad altiora doctrinae adscenderunt, alii erroribus, praeiudiciis et superstitioni obnoxii in infimo loco haerent.

Mens vero aegrotat sibi haud convenienter operatur. Vis enim alia alii antecedendo nocet, et functiones mentis tali modo turbantur.

§. XXXVI.

Status mentis, quisquis sit, *immediate* corpus mutat. Iustam enim idearum combinationem ordinatamque consecutionem corporis operationes sequuntur legitimae et ordinatae, mentis vero laesae functiones etiam corporis functiones laedunt et turbant. *Mediate* vero corpus denuo mutationes patitur ex pathematibus men-

tis

tis indole moderatis, auctis aut turbatis, easque longe maiores, cum corpus laesa mente immediate, iam mutatum pathemata invadunt eo maiori impetu, turbatumque turbant. E. g. phantasia incultorum ratione semper maior et turbida motus animi admittit fortiores, phantasia laesa et morbosa fortissimos. Itaque et gaudium simplicium et mente aegrotorum corpus magis afficit, unde puerile ac ineptum gaudium pro vehementi.

III. Corporis status.

§. XXXVII.

Neutiquam eiusdem momenti est, quis sit corporis status, dum a pathemate affligitur. Quisque enim huius vim vel debilitat, vel auget, modificat saltem et dirigit, eique aut succumbit, aut resistit. Quantum varius corporis status in pathema ipsum valeat, mei non est multis ostendere, magis, varios pro vario corporis statu in idem pathematis esse effectus. Contemplandum ideo censeo corporis *statum internum* et a rebus externis pendentem, quem *externum* nominamus.

A. Internus corporis status.

Differt ratione 1. *constitutionis* 2. *aetatis* 3. *sexus* 4. *valetudinis*.

§. XXXVII.

1) *Constitutio f. temperamentum.*

Constitutionem f. temperamentum aut prodesse pathematum in corpus efficaciae, aut obesse, pervulgatum est.

Perpauca vero adhuc distincta esse et probata de temperamentorum generibus et attributis, quisque sane mecum consentiet. Nec licet ex tot singulorum constitutionibus certum et ratum aliquid ducere, ideoque et philosophorum et medicorum sententiae de temperamentis valde differunt. Hic non locus est litem tantam componendi. Quod de temperamentis comprobo systema *) , paucis memorabo notasque tantummodo characteristicas scripturus generum et specierum attributa, singulis verbis expressa, adiiciam. Exempla pauca de gaudio sumta adducam, quia singula stadia per omnes temperamentorum species ducere, arctius plagarum et temporis impedit spatium.

Temperamentorum genera.

§. XXXIX.

I. *Temperamentum atticum f. spirituale.*

Characteres eius sunt

Sensus subtilis, vividus, spiritualis.

Corporis fibra tenera, non laxa, nulloque negotio violabilis, sensibilitas acuta, irritabilitas moderata, humores mites, solidorum agilitas.

Species

*) Platner Aphor. T. II.

Species sunt

1. *Temperamentum aetherium.*

Sensus — delectatio vivida (lautes Ergötzen).

Corporis vigor, valetudo cum teneritate quadam fibrarum coniuncta, humorum omnium lenitas et lenis circuitus, pulsus celer, fortis, aequalis, non adeo magnus.

Altior gaudii, praecipue oblectationis, gradus, maiores quidem edit effectus, eosque raro pro virium omnium proportionem noxios. Qui si quando eveniunt, a statu nimis irritato pendent (§. VIII.).

2. *Temperamentum melancholicum.*

Sensus — summa profundaue voluptas (stilles Entzücken.)

Corporis debilitas, valetudo infirma, spissiorum humorum et tenacium circuitus difficilis.

Pulsus tardus, mollis, concitatus.

Oblectatio huic minus nocet, quam stupor.

§. XL.

II. *Temperamentum lydium* f. *animale*, attico oppositum.

Sensus animalis.

Corporis fibra densa, valida, valetudo firma, humores multi et densi.

Species sunt

1. *Temperamentum sanguineum*,

Sensus — priori genere minus vividus, subtilis et fugax.
Corporis fibra firma, modice densa et tenera, humorum levium, at multorum circuitus levis, sensibilitas, irritabilitas et agilitas aucta, sed haud diu durans.

Pulsus, celer, concitatus, magnus, durus.

Temperamento huic oblectatio facile infert convulsiones, haemorrhagias etc.

2. *Temperamentum boeoticum* (s. *quadratum, rusticum*).

Sensus crassus, rudis, frigidus.

Corporis fibra rigida, corpus quadratum, humorum crudorum copia et praegravatus circuitus, sensibilitas, irritabilitas et agilitas suppressa.

Pulsus tardus, magnus, durus, fortis.

Gaudii quodvis stadium temperamentum hoc vehementer afficere et mutare nequit.

§. XLI.

III. *Temperamentum romanum* s. *heroicum* (medium inter atticum et lydium).

Sensus spiritualis et animalis, vehemens, firmus et pertinax.

Corporis robur, vigor, valetudo et fibra firma, sanguis ardens.

Species

Species sunt

1. *Temperamentum cholericum.*

Sensus vehemens, vividus.

Corporis fibra firma, nec crassa, robur nec massa ingens, sensibilitate maior irritabilitas, sanguinis ardentis copia et circuitus vehemens.

Pulsus celer, fortis, durus, concitatus.

Temperamentum hoc ab omni pathemate, in specie a gaudio, maximos patitur effectus. Stupor (§. V) huic salubrior est, quam oblectatio, quæ facillime morbos inducit varios ab irritatione pendentes.

2. *Temperamentum virile.*

Sensus moderatus.

Corporis fibra firma, vigor modicus, sanguinis calidi, nec facile effervescentis circuitus temperatus, sensibilitas et irritabilitas modica.

Pulsus quaque ratione modicus.

Pathematum omnium effectus moderati.

§. XLII.

IV. *Temperamentum phrygium.*

Mentis et *corporis* vigore expers.

Sensus et spiritualis, et animalis debilis.

Corporis fibra laxa, infirma, humorum mala conditio.

Species

Species sunt

1. *Temperamentum phlegmaticum.**Sensus* tardus.*Corporis* fibra laxa, massae copia, humorum pituitosorum spissorumque tardus circuitus, sensibilitas et irritabilitas debilitata, atonia.*Pulsus* tardus, debilis, magnus, mollis.

Minimos temperamentum hoc admittit pathematum effectus, nec salubres, nec noxios.

2. *Temperamentum hecticum* (hypochondriacum, hystericum).*Sensus* plerumque ingratus, subitus,*Corporis* fibra laxa, irritabilitatis omniumque partium debilitas, sensibilitas aucta, humores acres, vel spissi, vel resoluti, spasmi tonici, atonia.*Pulsus* celer, concitatus (spasticus), debilis, parvus.

Pathematum omnium effectus pro variis causis praedisponentibus maxime varii, sibi que contradictorii.

§. XLIII.

Pluribus forsitan numerus temperamentorum iam nimis amplificata videbitur, attamen si liceret mihi copioso esse in hac re maxime ardua, plures sane formarum species. Sed, cum meum non est, de temperamentis ipsis agere, pro scopo meo his contentus sum, adnotando duntaxat, minime huc temperamentorum complicatio-

cationem referri posse, neque explicari, quomodo quodvis illorum aetate, sexu, morbis, rebus ita dictis non naturalibus, aliisque innumerabilibus mutetur.

2) *Aetas.*

Huius ut absunt varia stadia, ita et variae cuiusque notae.

§. XLIV.

a. *Aetas puerilis.*

Fibra mollis, laxa, sensus et irritationis facilis, nec perdurans impressio, nervorum agilitas, humorum levium circuitus acceleratus, pulsus celer, sanguinis ad caput congestio etc. — in genere complicatum temperamentum ex aetherio et sanguineo.

Gaudium in aetate isthac vehemens et breve, stuporis effectus in genere benigni, stadiorum posteriorum vehementes et plerumque noxii convulsionibus, haemorrhagiis, praecipue narium etc.

§. XLV.

b. *Aetas adolescentiae.*

Fibra tenera, sensibilitas acuta, mobilitas aucta, humorum copia et impetus, pulsus plenus, fortis, celer, temperamentum aethereo - cholicum.

Gaudii in adolescentibus effectus maxime excellunt et vivacitatis et roboris, et salutis, et damni respectu.

Stadium *pubertatis* cum corporis inducit mutationes quasdam inordinatas, et sensibilitatem, et irritabilitatem auctam, omnino gaudii effectus inordinatos auctosque reddat necesse est.

§. XLVI.

c. *Aetas virilis.* vid. Temperamentum virile (§. XLI.)

D

§. XLVII.

§. XLVII.

d. *Aetas senilis.*

Fibra densa, rigida, sensibilitas obtusa, irritabilitas suppressa, humorum acrium et pravorum circuitus retardatus, pulsus parvus, tardus, durus.

Temperamento aetas haec boeotico similis est.

Mutationes corporis a gaudio prolatae propter imminutam senum sensibilitatem haud essent notatu dignae, nisi gaudii robur in senibus saepius, ut in pueris, excelleret, et qua irritamentum ingens, insignem corpori inferret utilitatem aut damnum.

3. *Sexus.*

§. XLVIII.

Sexus potior, quatenus oppositus est sequiori, fibra firmiore gaudet atque densiore, sensibilitate minore et crassiore, irritabilitate tardiore, sed vehementiori, humoribus magis densis et acribus. Conf. *Temp. virile.*

§. XLIX.

Sexus sequioris, si potiori opponitur, fibra est tenera, laxa, mollis, sensibilitas acuta, repentina, summa nervorum agilitas et mobilitas, humorum mitium, tenuium et plurium circuitus acceleratus, pulsus mollis et celer, et quoad vasa, magnus.

Temperamentum aethereo- hecticum.

Maximi vero momenti *functiones* foeminarum sunt *sexuales*.

De stadio *pubertatis* §. XLV. agit.

Men-

Mensum fluxum pro cuiusque individui indole mutationes quaedam comitantur inordinatae. Itaque gaudium e. g. menstruantibus vel noxium est, vel salubre, prout stupor aut oblectatio maior invenitur. Ille menstrua suppressit, nimiaque retinet, haec suppressa provocat, aut iam fluentia in haemorrhagiam uteri mutat.

Graviditatis incommoda his non dilucidanda sunt, ea vero varia esse et a gaudio modificari, pervulgatum est.

Oblectatio, e. g. vehemens, humorum circuitum augendo, et stupor ingens sanguinem spasmu peripherico ad intus pellendo abortum procreare, aut foetui valde debilitato irritando vitam servare potest.

Puerperarum status infirmus, lochiorum profluvium, lactis secretio et excretio et partus effectus summi ponderis reperiuntur.

Gaudio e. g. lochia et lactis secretionem et excretionem sisti, eorum metastasin periculofam fieri posse, quisque concedit.

Mensum denique in aetate provectioni suppressio plurimum valet in determinando gaudii effectui, quod aut stupore excellens iusto citius suppressionem eidemque morbos adiunctos producat, aut oblectatione celerius corpus prolongato fluxu debilitet, et damnum eidem inferat.

4. *V a l e t u d o.*

§. L.

Valetudo integra aut infirma corpus ad certa sibi que correspondentia propensum reddit ex pathematibus oriunda phaenomena, Status validus pro constitutione fir-

ma (sit caeterum quae sit) pro aetate etc. pathemata in corpus operari finit, morbosus vero pro fractis vel auctis viribus, pro laesis functionibus, morbique causis et symptomatibus pathematum excipit efficaciam, eamque modificat.

Pathologia generalis et specialis in definiendis pathematum, qua causarum praedisponentium et occasionalium, viribus, symptomatibus etc. inquirenda est. Unum ex multis mihi adferre liceat exemplum. Idem oblectationis gradus in haemoptysi mortem advocare potest, qui mensium suppressorum benignum procreare solet fluorem, aut salutarem in febribus acutis crisin etc.

B. *Externus corporis status s. a rebus externis pendens.*

§. LI.

Quaevs res externa corpus humanum mutans etiam pathematum modificat vim et effectus. Praecipuas modo enumerabimus, quas in 1. *diaeta* 2. *climate* et 3. *vitalis generis* ponimus.

§. LII.

1. *Diaeta.*

Ex rebus sic dictis non naturalibus, circa quas diaeteticas praecepta versantur, ingesta et corporis motum eligo, quia nobiliori influxu gaudent.

§. LIII.

Ingesta sunt vel nutrientia, vel medicamenta, communis amborum quantitas et qualitas contemplatione dignissima. Nutrientium copia intestinis inhaerente (s. nimia

nimia repletionem) digestionis organa debilitata, stuporis e. g. accessu penitus laedi possunt.

Ratione qualitatis cibi et medicamenta variis gaudent attributis, nos ad illorum tantum respiciamus vim excitantem et stupefacientem, et quisque illorum salutem aut damnum in laetantis valetudinem intelliget.

Exemplum nobis praebeat opii usus nimius, quo cum vim nervorum debilitatam afficit stupor gaudii vehemens, parum abest, quin paralysis aut mors ipsa eveniat.

§. LIV.

Corporis *motu* vires vitales auctae et excitatae gaudii variis stadiis in salutem aut detrimentum corporis diriguntur pro vario eiusdem habitu. e. g. In menstruantem et haemoptoico motu ortus orgasmus, et oblectationis impetu auctus haemorrhagiae periculosa haud difficulter accusandus est.

§. LV.

2. *Clima et constitutio anni.*

Haec corpus ad morbos quosdam propensum reddere, nemo ignorat. Morbus igitur endemicus aut epidemicus inde ortus, si ad gaudii effectus quadrat, vel promoveri et augeri, vel si repugnat illis, amoveri aut supprimi potest.

Sic corpus sub aere humido et calido relaxatum a gaudii stupore damnum, ab oblectatione auxilium sperare potest.

§. LVI.

§. LIV.

3. *Vitae genus.*

Hoc effectuum ex pathematibus varias admittit modificationes. Eruditi e. g. cum saepius morbis a congestione humorum ad cerebrum et a vita sedentaria laborant, ex oblectationis vehementia et per eandem citatum humorum circuitum maius capiunt morborum illius generis (e. g. vertiginis, apoplexiæ, haemorrhoidum) augmentum. Buccinatores haemoptysin timeant etc.

§. LVII.

Per se patet, *rerum* omnium (Sect. I. et II.) enumeratarum semper variam, maximeque diversam esse *complicationem*, pathematum ideo, et in specie gaudii, effectus esse varios saepiusque diversos, et medicos, et morbificos. Plurium rerum homogenearum concursus pathematum effectus auget et accelerat, heterogenearum vero complicatio eosdem moderatur, debilitat aut tollit. Pro quovis ergo individuo specialis et individua diagnosis, prognosis et indicatio curationis formanda est.
